

Athugasemdir frá hjúkrunarráði Reykjalundar við tillögur í skýrslu að endurhæfingarsefni

Í skýrslunni er talað um að sameina Reykjalund og Grensás, Hjúkrunarráð Reykjalundar telur mikilvægt að nota hugtakið **samvinna** á milli Grensás og Reykjalundar en ekki sameining. Skilningur á hugtakinu sameining í skýrslunni felur í sér að sameina eigi tvær endurhæfingarstofnanir sem líklegt er að verði hluti af Landspítala.

Hjúkrunarráð Reykjalundar er sammála því að sóknarfæri geti falist í aukinni samvinnu milli Grensás og Reykjalundar. Skýrt sé hins vegar að samvinna jafngildi ekki sameiningu, annars vegar er Reykjalundur einkastofnun í eigu SÍBS en þar er stunduð þverfagleg endurhæfing fyrir alla sem búsettir eru á Íslandi og á að okkar mati ekki að verða deild innan LSH. Auk þess getur samvinna milli þessara stofnanna falið í sér meiri breidd í þjónustu heldur en ef um klára sameiningu væri að ræða.

Hjúkrunarráð vill áréttast að Reykjalundur er einkastofnun í eigu SÍBS sem augljóslega er sér rekstrareining, en ekki deild innan LSH. Mjög ólíklegt er að sameining þessara tveggja stofnana geti orðið til framdráttar fyrir endurhæfingu í landinu.

Hjúkrunarráð Reykjalundar gerir einnig athugasemd við töflu yfir fjölda starfsstétta sem starfa við endurhæfingu á Íslandi en þar eru taldar upp sjö starfsstéttir sem Alþjóðaheilbrigðismálastofnunin skilgreinir sem endurhæfingarstéttir á þeim grundvelli að stór hluti starfa þeirra tengist endurhæfingu. Að mati hjúkrunarráðs er taflan mjög misvísandi og gefur ekki rétta mynd að þeirri þverfaglegu vinnu sem unnin er hér á landi (sjá meðfylgjandi töflu).

Starfsstétt	Fjöldi starfandi	Fjöldi með starfsleyfi
Endurhæfingarhjúkrunarfræðingar	4	4
Endurhæfingarlæknar	14	14
Iðjuþjálfar	315	451
Sálfræðingar	Vantar upplýsingar	833
Sjúkraþjálfarar	640	992
Stoðtækjafræðingar	Vantar upplýsingar	14
Talmeinafræðingar	Vantar upplýsingar	134

- Til að gefa réttari sýn af þverfaglegri vinnu við endurhæfingu þá þyrfti að koma fram í skýrslunni hver er fjöldi starfsfólks og þar á meðal hjúkrunarfræðinga sem starfar við endurhæfingu í landinu.
- Nefna má að fjöldi stöðugilda allra hjúkrunarfræðinga á Reykjalundi sem starfar við endurhæfingu eru 28 og meðalstarfsaldur þeirra er 16 ár.

Virðingarfyllst,

Hjúkrunarráð Reykjalundar